

Fiche G11-i *Aituna ka inniuimakaki mak eka ka inniuimakaki*

Takuana aituna ka inniuimakaki kie takuana aituna eka ka inniuimakaki. Ne tshe ishinkuak aitun neme ishnikatamun an uet tshissenitakanit tshe ishinkuak, tshipa tshi uinakanu auen, aueshish kie ma tshekuan. Mate neni aituna tshitapatamutau anite tipatshimunissit :

*Aituna ka inniuimakaki*

<i>Nuapamati</i>	<i>nitem</i>	<i>tshatishimut.</i>
VTA /aitun ka inniuimakak	NA /ishnikatamun ka inniuimakak	VAI /aitun ka inniuimakak
Uapameu Il le voit	mon chien	tshitishimu il fuit (s'enfuit)
J'ai vu mon chien prendre la fuite.		

<i>Ekashapie(n)</i>	<i>uitshipueu</i>	<i>namesha.</i>
NP* <sup>20</sup> : ishnikashun ka inniuimakak	VTA / aitun ka inniuimakak	NA /ishnikatamun ka inniuimakak
Xavier	il aime manger de qqch (A)	du poisson
Xavier aime manger du poisson.		

*Aituna eka ka inniuimakaki*

<i>Shash</i>	<i>pashteu</i>	<i>nimassin.</i>
	VII / aitun eka ka inniuimakak	Ni /ishnikatamun eka ka inniuimakak
déjà	qqch est sec	mon soulier
Mon soulier est déjà sec.		

<i>Pien</i>	<i>peshaim<sup>u</sup></i>	<i>utush.</i>
NP* ishnikashun ka inniuimakak	VTI /aitun eka ka inniuimakak	Ni /ishnikatamun eka ka inniuimakak
Pierre	il peint, peinture qqch	son canot
Pierre peinture son canot.		

<sup>20</sup> \*NP: nom propre/ ishnikashun

Ishinakuaki tshetshi takuak anite tipatshimunissit ka inniuimakak ishnikatamun (kie ma aimuniss ka takuak pessish ishnikatamunit) tshe nashatak aitunnu, tshika inniuimakan kie ne aitun. Ne ishnikatamun : auen, aueshish kie ma tshekuan ka inniuimakak, tshipa tshi ishinkuan miam ka aiatainak aitunnu (VAI) kie ma ka ashushtat aimunnu anite tipatshimunissit (VTA). Tapue, anite innu-aimunit ne aitun tshipa tshi ashit ishinkuan miam neme ka ashushtakanit aimun anite tipatshimunissit, inniuimakaki ne aimun.

Ne aitun tshika ishinkuan eka ka innuimakak, nenu aimunnu ka ashushtenit eka innuimakanniti (TI) kie ne aimun ka aiatainak aitunnu eka innuimakaki (VII).

Tshika ui uitshetumakana, ne ishnikatamun mak ne aitun, aimuna ka uitshetumakaki tshipa ui ishinkuana ka inniuimakaki kie ma eka ka inniuimakaki, tshetshi minushtet tipatshimuniss. Apu nita tshika tshi apashtain aimun ait eshi-pimipanit, ait eshinkuak, atut tshipa minutakuan tshitaimun, tshitipatshimun.